

مجموعه سنون

اثر

جمعیت علمیه عثمانیه

ایفین پی

نومرو ۱۷

نجدی الاول

استانبول

جمعیت علمیه عثمانیه مطبعه سنده طبع اولمشددر

۱۲۸۰

تشکل ایتمش اولوب بونلرک درعهده ایتدکلی مبالغت مقداری یوز
التمش میلیون انکلز لیراسندن زیاده در مذکور شرکتلرک
بعضیلری یوزسنه دنبرو دوام ایتدیکندن اساس اتخاذا ایتدکلی
قاعده نک صحتی بالتجربه دخی ثابت اولمشدر.

اشبو شرکتلرک کثرت ودوامی مأ مورلرینک اهلیت واستقامتی
وعموماً انکلز لرک هر شهیده احتیاطکارانه طوراند قارینی مثبت
برکیفیتدر. مشاهیر مؤلفیندن برذات مدنیتک هر برشعبه سنده
انکلز لرک ملل سائره یه تفوق ایتدکلی اثبات ایچون انکلتره ده
بولنان شرکت تأمینیه شخصیه لرک کثرت وانتظامی خصوصنده
دخی بر دلیل جدید بولمش اولدیغنی بیان ایلشددر.

(بقیه سی صکره) (آلکساندر)

(خلاصه تالیفیه)

فرانسه

اشبو ماه جادی الاولینک یکریمی اوچنچی کونی فرانسه مبعوثان
ملت مجلسی کشاد و طرف ایمراطوریدن بر معتاد بر نطق رسمی ایراد
اولندرق بونده لهستان مسئله سی حقنده دول متفقہ نک اختیار
ایده جکلری مسلکۀ دائر مصرح برسوز یوغه سده لهستانک
مقاسمه ماده سی و صورت اداره سی مندرج بولنان ۱۸۱۵ سنه سی
ویانه معاہداتینک اکثر موادی تعذب زمان ایله منقسخ اولمش

و دیگر لرینه دخی رعایت اولنما مقده بولنش ایدو کندن معاهدات مذکوره نك کلیاً منفسخ حکمنه کیرمش اولدیغی و تبعه نك قهر و تغلبه اداره سی وقتی مرور ایدوب هر حالده حکم زمان وافکار اهالی وزیردستانی پیش نظر مطالعه یه آلمق لازم مددن بولندیغی و کرک لهستان مسئله سنك و کرک اوروپاده دوران ایدن مسائل سائره نك حلی ایچون دول مناسبه مرخصلرندن مرکب برقونغره عقدینه احتیاج کورندیکی بیان و تذکار وه مؤخرأ مسائل موجوده نك حلی ایچون برقونغره لزوم عقدندن بحثله بوبابده استفسار رأی متضمن دول مناسبه یه برر قطعه تحریرات رسیده دخی ارسال و تسیارقلمشدر اولسی کون وارد اولان برتلغرافنامه مألنه نظراً ذکر اولسان قونغره نك عقدینه ایتالیا دولتی طرفندن موافقت کوسترلش ایسده دول سائره جانبندن نوجهله جواب ویر یله چکی هنوز معلوم اوله مامشدر مذکور قونغره عقد اولنور ایسه لهستان مسئله سنندن بشقه برطاقم مسائل سائره دخی موضع بحثه قونیه جنی درکار اولمغله برمشکل حل ایدلم دنیلور ایکن مشکلات عدیده ظهورندن خوف اولنور.

لهستان

بوارالق لهستان بجه بروقعه جدیده مهمه اولم یوب فقط طرفین بیننده اوفق تفک محاربه لر اکسک دکلدرو روسیه ما مورین وعساکرینک ظلم و شدتی دائماً تزايد اوزره اولدیغی مثالو لهلورک مقاومت شجاعانه لری دخی کوردکلری مظالم نسبتنده

ترقی یافته در روسیه دولتی بوقبش وقوع محاربه دن ادین
 اولدیغندن نه درجه صورت ظالمانه و وحشیانه ایله اولورسه
 اولسون لهستان اختلا نك ایاك بهاره دكین بهمه حال تسکینی
 ضمنده پرنس مورایف و جنرال برغ طرفندن فوق العاده سعی
 و غیرت و بوم مقصده وصول ایچون نساطا نفه ضعیفده سی حقستده
 بیله مدنیت حاضره عصره باقشمن صورتده ظلم و شدت کوسترلمکده در
 لهستان مقیاسده سی ماده سی مندرج بولسان ۱۸۱۵ سنده سی
 ویانده معاهده ناعه سنك کلیا فسخ و بوجهسته روسیه لونك
 لهستان اوزرنده اولان حقوق تصرفیه سندن اسقاط اولدیغك
 اعلانیله برابر لهلوزه برفرقه محاربه نظریله با قلمسی خصوصیه
 دائر برآید نبزو انکلهزه و فرانسه و اوستریا دولتری بینده مختارات
 متعاقبه اجرا اولمقده ایدی . معاهده مذکوره نك فسخسته
 اوستریا دولتی طرفندن موافقت کوسترلماسی تصورات مشروحه نك
 اجرای فعلیاتنه مانع اولمشدرن فرانسه ایمرا طوری طرفندن
 مؤخرأ ایراد اولتان مقاله رسمیه دن لهستان مسئله سنك عقدی
 تصور اولتان قونغریه حواله اولنه جفی اکلا شیلیور ایسه ده
 ایمرا طور مشارالیه طرفندن تکلیف اولتان قونغریه نك عقدینه انکلهزه
 و اوستریا دولتری طرفندن موافقت اولنوب اولنمیه جفی
 هنوز مجهولدر .

روسیه

شاید محاربه وقوع بولور ملاحظه سیله روسیه دولتی طرفندن
 هر در اوتد ارکات حریبه یه تشبث اولندیغی صمرده لهستان دن معدود

اولوب اوستریا دولتی یکنده بولتان غالیچا ایالتی حدودینه دخی
مکمل بر اردو سوق اولمش و حدود مذکوره ده بولتان قلاع
و استحکامات کاملاً تجدید و تحکیمه مباشرت قلمشدر . قریب
بعض مواقع مناسبه سنه دخی استحکامات متعدده انشاسی
متصور بولندیغی مرویدر . روسیه غرتهلرینک روایت کوره
دولت مشارالیه طرفدن اختلال تسکین اولندقدن صکره
لهلورک امتیازات موهمه لری کلیافسخ اولنه رقی لهستانک
سائر روسیه ایالاتی کبی اداره سنه قرار ویرلشددر .
قریم سواحلنه استحکام انشاسی حوادثی قوت بولمقده اولوب
بو ایسه پارس معاهده سی احکامنه مغایر بولندیغندن
بمثله . انگلتره دولتی طرفدن پترسبورغده مقیم سفیری
واسطه سیله روسیه خارجیه نظارتنه اعلام حقیقت حالی
مقتضی بعضی تبلیغات اجرا ایدلش ایسه ده نصورتله جواب
ویرلدیکی ده معلوم اوله مامشدر .
یونانستان
یونان قرالی حشمتلو یورکی حضرتلری ماه حاتک اون یدنجی کونی
اتنهیه مواصلت و وکلای مقتضیه یی نصب و تعیین ایله اداره
مملکت مباشرت ایلشدر . معلوم اولدیغی اوزره جزایر سبعه نیک
یونانستانه الحاقه جزایر مذکوره ملت مجلسنده قرار ویرلهرک
انگلتره دولتی طرفدن دخی جزایر مذکوره ده بولتان استحکامات
هرمی شرطیه التحاقه رضا کوسرلمش ایدی . بوکره انسان

اخبار اخیر به نظراً مجلس مذکور طرفندن استحکامات
 مزبوره نك عدم هدمی طلب اولنوب یو ایسه انکله دولتی طرفندن
 بیان اولنان شرائطك خلافتده بر کیفیت یو لنديغندن مسئله نك
 صورت قطعیه ده حله منتظراً مجلس مذکورك مدتی التی آی
 دهاتمدید اولمشدر . اوستریا دولتی جزایر مذکوره نك یونانستانه
 التحاقی انجق استحکاماتك هدمی شرطیله تصدیق ایده چکنی
 قطعاً بیان الملش و بعض دولتلر طرفندن حتی جزایر مذکوره نك
 یونانستانه الحاقی ماده سنه بیله اعتراض وقوع بولمشدر . وحشمتلو
 یورکی حضرتلرینك یونان قرالغنی قبول ایدیشی ایسه جزایر
 مذکوره نك یونانستانه الحاقیله برابر جزایر مزبوره
 وارداتندن کندوسنه بشقه جه سنوی اون بیک لیرا تخصیص
 اولغنی شرائطی اوزرینه مؤسس اولوب التحاق ماده سی الان
 حاصل اولمش دیمك اولمدیغنی مثلاً روایتده کوره جزایر
 مذکوره اها لیبی طرفندن قرال حضرتلرینه سالف الذکر
 اون بیک لیرا نك تخصیصه دخی موافقت کوسرلما مکده ایدوکندن
 شو حالده نظراً یونانستان مسئله سنه هنوز انجلا لیدیر
 اولمشدر دینله مز .